

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Ժ. Տարի, Թիւ 431, Ուրբաթ, 06 ԱՊՐԻԼ, 2018

ՀԱՄԱՅՆՔԱՅԻՆ

Ս. ՅԱՐՈՒԹԵԱՆ ՏՕՆԸ ՔՈՒԷՅԹԻ ՄԷՋ

Կիրակի 1 Ապրիլ 2018ին Քուէթի հայ համայնքը ձայնակցելով քրիստոնէայ աշխարհին հետ, ցնծութեամբ տօնեց Քրիստոսի Հրաշափառ Յարութեան տօնը: Պատարագը մատուցեց եւ յաւուր պատշաճի քարոզեց Թեմի Առաջնորդ՝ Գերայ. Տ. Մասիս Ծ. Կրդ. Զօպունեան: Պատարագին ներկայ գտնուեցաւ հոծ բազմութիւն մը, որ եկած էր Քրիստոսի յարութեան շունչով վերանորոգուելու: Պատարագին ներկայ գտնուեցան Քուէթի մօտ Հ.Հ. Արտակարգ եւ Լիազօր դեսպան Տիար Մանուէլ Բաղէեանը եւ Տիկ. Լիլիթ Գալստեանը եւ Լիբանանի դեսպան Տիար Մահեր Ալխէրը:

Քարոզին մէջ Հայր Սուրբը ըսաւ, որ «Յարութեան լուսաշող ու կենդանացնող առաւօտը թող ամէն օր լուսաւորէ մեր կեանքը, յարութեան հաւատքը ամէն օր նոր սկիզբ ըլլայ մեզի համար, որովհետեւ նոր յոյսեր, նոր իրագործումներ, նոր յաղթանակներ եւ յաջողութիւններ մեզ կը սպասեն:



Աղօթենք, որ մեր կեանքի իւրաքանչիւր օրը մեզի հանդիպի կեանքը, մեզի հանդիպի յարութեան պարտեզը, մեզի հանդիպի Քրիստոսի քաջալերող ձայնը, որ կ'ըսէ.- Մի՛ վախնար, ես աշխարհին յաղթեցի: Ես եմ յարութիւնը եւ կեանքը: Ան որ ինձի կը հաւատայ, թէեւ մեռնի՝ պիտի ապրի:

Յարութեան ուրախութիւնը կը կայանայ այն ճշմարտութեան մէջ, որ մեր գերեզմաններէն անդին Քրիստոսի յարութեան պարտեզը մեզ կը սպասէ, ուր Քրիստոս կ'ապրի յաւիտեան եւ կը սպասէ մեր վերադարձին, ինչպէս Պետրոս առաքեալ, որ երբ լուրը առաւ յարութեան, Տիրոջ վերադարձաւ, գերեզման վազեց եւ ինք եւս վկան դարձաւ պատմութեան մեծագոյն դէպքին:

Քրիստոս դուրս եկաւ գերեզմանէն եւ ցոյց տուաւ, թէ Ինքն է յարութիւնը եւ կեանքը: Դարերու ընթացքին եղանք հետեւորդները յարուցեալին եւ քալեցինք Անոր ոտքի հետքերով: Որպէս ազգ, դարերու մեր փորձառութեամբ մենք բոլորս վկաները դարձանք յարութեան, մասնակիցները դարձանք կեանքի յաղթանակին, որովհետեւ յարութեան շունչով, հոգիով ու հաւատքով մկրտուեցաւ մեր հայրենիքը: Շնորհիւ յարութեան

հաւատքին միշտ ուղի կանգնեցանք, դուրս եկանք գերեզմաններէն, արթնցանք մեռելաբունէն եւ յարութեան տեսիլքով պայքարեցանք, գոյատեւեցինք եւ հայրենիք կերտեցինք:

Արդարեւ, հայ ազգը լաւագոյնս դրսեւորած է Յարութեան գաղափարը, երբ Յեղասպանութենէն ընդամէնը երեք տարի անց, Յարութիւն առնելով իր բիր նահատակներէն, 1918-ի Մայիս 28-ին կերտած է անկախ պետականութիւն, որուն 100 ամեակը հպարտանքով եւ ազգովին կը նշենք այս տարուան ընթացքին: Ն.Ս.Օ.Տ.Տ. Արամ Ա. Կաթողիկոսի 2018 տարին Հայաստանի Առաջին Հանրապետութեան 100 ամեակի տարի հռչակելով, մեր ուշադրութեան կեդրոնը միշտ պահեց այսօրուան Ազատ եւ Անկախ Հայաստանը, որուն ամրապնդումն ու բարգաւաճումը առաջնային



խնդիր է ամբողջ հայ ազգին համար»:


Այս ցնձագին առիթով Առաջնորդ Հայր Սուրբը աղօթք բարձրացուց առ Բարձրեալն Աստուած, որ կանգուն պահէ մեր հայրենիքը եւ Հայ Առաքելական Սուրբ Եկեղեցին, նաեւ աղօթեց, որ մեր Հայրապետին՝ Մեծի Տանն Կիլիկիոյ Ն.Ս.Օ.Տ.Տ. Արամ Ա. Կաթողիկոսին պարգեւէ առողջ, բարգաւաճ տարիներ եւ երկարամեայ երջանիկ գահակալութիւն: Եւ վերջապէս մաղթեց, որ մեր ժողովուրդը բոլոր պայմաններուն մէջ դէպի Կեանքն ու Լոյսը քալելու իր ընտրած ուղիին հաւատարիմ՝ շարունակէ իր երթը եւ Քրիստոսով ու քրիստոնէական հաւատքի ճամբով ընթանայ՝ ի պանծացումն մեր ազգին ու հայրենիքին եւ ի պայծառութիւն Հայ Առաքելական Սուրբ Եկեղեցոյ:

Պատարագի աւարտին թափօր կազմած ներկայ հաւատացեալները ուղղուեցան Առաջնորդարանի «Նունէ եւ Նինարէ Նազարեաններ» սրահ, ուր Առաջնորդ Հայր Սուրբը ընդունեց շնորհաւորութիւնները եւ ներկաներուն փոխանակեց իր բարեմաղթութիւնները:

ՀԱՅԿԱԿԱՆ

**Նախագահ Սարգսեան. «4 Միլիոն Հաշուող Հայաստան,
Բարձր Աշխատավարձեր, 100 Հազարաւոր
Աշխատատեղեր»**

Հայաստանի նախագահ Մերժ Սարգսեանի գլխաւորութեամբ 4 Ապրիլին նախագահական նստավայրին մէջ տեղի ունեցած է խորհրդակցութիւն, որուն ընթացքին քննարկուած է «Հայաստանի զարգացման ռազմավարութիւն-2030» փաստաթուղթի նախագիծի լրացուած եւ մշակուած տարբերակը:



Խորհրդակցութեան սկիզբը նախագահ Սարգսեան անդրադարձած է Հայաստանի զարգացման հեռանկարային թիրախներուն հասնելու համար վճռորոշ եղող սկզբունքային շարք մը հարցերու, որոնց շուրջ քննարկման մասնակիցներուն հետ նոյն ձեւի պայմանաւորուածութիւն գոյացած էր նախորդ հանդիպումին:

Նախագահը շեշտած է, որ անհրաժեշտ է կայուն եւ բարձր ներառական տնտեսական աճ ապահովել եւ այդ մէկը զգալի դարձնել Հայաստանի իրաքանչիւր քաղաքացիին համար, ինչպէս նաեւ գործել մեր համազգային նպատակներուն հասնելու առաջադրանքով՝ մինչեւ 2040 թուական չորս միլիոն հաշուող Հայաստան ունենալու համար յստակ եւ չափելի նախաձեռնութիւններու ձեռնարկել եւ մինչեւ 2030 թուական միջանկեալ թիրախային ցուցանիշ սահմանել:

«Մենք պայմանաւորուեցանք, որ մինչեւ 2030 թուական ջանք ի գործ պիտի դնենք մարդկային ներուժը զարգացնելու, այսինքն՝ մեծապէս պէտք է աւելցնենք կրթութեան ու առողջապահութեան յատկացուող գումարները: Մենք մեր վրայ պարտք դրած ենք, որ ծրագիրին մէջ ներառուած ըլլայ նաեւ մինչեւ 2030 թուական ստեղծել քանի մը հարիւր հազար աշխատատեղեր, որոնք բարձր աշխատավարձ պիտի ապահովեն: Ծրագիրին մէջ յատկապէս ներառուած պէտք է ըլլայ երիտասարդութեան մօտ անգործութիւնը նուազեցնել, չըսելու համար՝ գերոյի հասցնել: Նոր աշխատավայրերու ստեղծումով եւ եղած աշխատավարձը բարձրացնելու միջոցով մենք պիտի հասնինք աղքատութեան էական նուազեցման: Ասիկա չափազանց կարեւոր խնդիր է: Մենք այստեղ նաեւ պէտք է նկատի առնենք մեծ աշխատանք ծաւալել մեր հարկային դաշտին մէջ գործերը բարելաւելու, հարկեր / համախառն ներքին արդիւնք յարաբերակցութիւնը բարձրացնելու ուղղութեամբ: Մենք շատ աւելի սեղմ ժամկետի մէջ եւ ոչ մինչեւ 2030 թուական, պէտք է հասնինք ստուերի էական կրճատման եւ փաստաթղթաշրջանառութեան ներդրման, առանց որուն մենք չենք կրնար հարկեր / համախառն ներքին արդիւնք յարաբերակցութիւնը բարելաւել, ինչ որ ուղղակի պարտադիր է պիտաճեական ծախսեր կատարելու համար», դիտել տուած է նախագահ Սարգսեան:

Ըստ անոր, քննարկուած է նաեւ այն, որ հարկային քաղաքականութեան հիմնական ուղղութիւնը ըլլայ հարկային բեռը ուղղակի հարկերէն դէպի անուղղակի հարկեր տանիլը: «Կը կարծեմ, թէ

ասիկա շատ կարեւոր է, որովհետեւ եթէ մենք կը կանխատեսենք հինգ կամ աւելի տոկոսի աճ, ապա մեր տնտեսութիւնը պետք է ըլլայ մրցունակ: Եթէ մենք մեր հիմնական ուղղութիւններէն մէկը կը նկատենք արտաձման խթանումը եւ ատոր համար նաեւ աշխատատեղերու ստեղծումը, բնականաբար, պետք է նախ եւ առաջ ըլլանք մրցունակ: Եւ այս առումով եւս մենք պետք է մտածենք, թէ ե՞րբ սկիզբ պիտի դնենք հարկային այս քաղաքականութեան, այսինքն՝ հարկային բեռը ուղղակիէն անուղղակի փոխանցելու: Կը կարծեմ, թէ ե՞րբ մենք ունենանք վերջնական փաստաթուղթ, պետք է նաեւ մենք մեզի համար ժամանակագրական որոշ թիրախներ սահմանենք», շեշտած է Հայաստանի նախագահը՝ ընդգծելով, որ փաստաթուղթը պետք է տեսանելի, հասկնալի եւ ընկալելի ըլլայ ինչպէս կառավարութեան բոլոր անդամներուն, այնպէս ալ բոլոր քաղաքացիներուն համար: Անոր համաձայն, եթէ քաղաքացիները սատարեն գործադրուող ջանքերուն, արդիւնքը շատ աւելի շօշափելի ու մեծ կը դառնայ:

Վարչապետ Կարէն Կարապետեան հակիրճ ձեւով ներկայացուցած է իրականացուած աշխատանքներուն ընթացքը եւ արդիւնքները՝ նշելով, որ մշակուած է յաւակնոտ ու իրատեսական ծրագիր, որուն մէջ կ'արտացոլան երկրին մէջ տնտեսութեան եւ կեանքի որակի փոփոխութիւններուն վերաբերող թիրախներն ու նախատեսուող քայլերը:

Հրանդ Մարգարեան. «Կան Հիմքեր Առանց Ցնցումների Զարգանալու»

ՀՅԴ Բիւրոյի ներկայացուցիչ Հրանդ Մարգարեան հարցազրոյց մը տուած է «Թերթ»-ին, որուն ընթացքին անդրադարձած է Հայաստանի Հանրապետութեան ներքին քաղաքական կեանքին: Ստորեւ կու տանք հարցազրոյցին ամբողջութիւնը:



Մերձ Մարգարեանի համար 3-րդ անգամ ընտրուելու միակ լուծումը սահմանադրութեան այսպիսի փոփոխութիւնը չէր: Նա կարող էր այլ երկրների օրինակով 3-րդ անգամ ընտրուելու արգելքը վերացնել:

«Թերթ»-ի հետ զրոյցում այս մասին ասաց ՀՅԴ Բիւրոյի ներկայացուցիչ Հրանդ Մարգարեանը: Վերջինս հարց հնչեցրեց՝ ինչո՞ւ պետք է Ս. Մարգարեանը փոխէր սահմանադրութիւնն այնպէս, որ դատական համակարգը իր ձեռքից դուրս գար, որ ընտրական մեքենան իր 100 տոկոսանոց վերահսկողութիւնից դուրս գար, քաղաքական ուժերի դերակատարութիւնը մեծացնէր, խորհրդարանում դժուարացնէր անգամ պարզ մեծամասնութեան համար հիմնական օրէնքները անցկացնելը: Մարգարեանի խօսքով՝ նա կարող էր տարբեր փոփոխութիւնների դիմել, եթէ 3-րդ ժամկէտով պաշտօնավարելու նպատակն իր համար միակն էր:

Հարցում.- Ապրիլին ամբողջապէս ուժի մէջ կը մտնի նոր սահմանադրութիւնը, որի ընդունման ակունքներում կանգնած է Դաշնակցութիւնը:

Ինչ է մնացել ձեր պատկերացրած խորհրդարանական կառավարման երկիր դառնալու համար, որտեղ իշխանութեանը հակակշիռ կայ, որտեղ ընդդիմությունը լծակներ ունի:

Պատասխան.- Շատ բան: Ժամանակը, անշուշտ, դերակատար է: Դրա համար հարկավոր է բոլոր քաղաքական ուժերի հասունությունը, սահմանադրությունը ճիշտ իրացնելը, հանրութեան ընտելացումը: Այն դատաւորը, որն այսօր ընտրուել է, պետք է գիտակցի, որ իր գոյությունն այդ պաշտօնում այլևս իշխող ուժի քմահաճոյքով պայմանաւորուած չէ, որ ինքն այսուհետ ազատ է այդ կախուածութիւնից: Դատաւորը պետք է հաւատայ իր անկախութեանը, որ այդ հաւատը ներշնչի ժողովրդին՝ վստահեցնելով, որ դատարանն անկախ է, քաղաքական պատուէր չի կատարում: Օրէնքն այդպիսին է, բայց համապատասխան մշակոյթն է, որ պետք է ձեւաւորուի, ինչի շնորհիւ մարդիկ կը հաւատան փոփոխութեանը:

Հ.- Ի՞նչն է խանգարում այդ մշակոյթի ձեւաւորմանը:

Պ.- Կարելի է ենթադրել, թէ ինչն է խանգարում: Խանգարում է իշխող ուժը, որը չի ուզում, որ այդ փոփոխութիւններն արագ լինեն, ընդդիմութիւնը, որը չի ուզում խոստովանել, որ այս սահմանադրութիւնը լաւն է, որովհետեւ դրա ընդունմանը դէմ է եղել: Ամենաշահագրգիռը Դաշնակցութիւնն է, որը թէ՛ կողմ է եղել սահմանադրութեան ընդունմանը, թէ՛ տրամադրուած չէ հինը նոր ձեւի մէջ պահպանելուն: Մենք իսկապէս ուզում ենք, որ նոր սահմանադրութիւնը գործի սահմանադրական տառին ու ոգուն համապատասխան: Այս գործընթացը դեռ միս ու արիւն պետք է ստանայ: Դրա համար պետք է ջանք չինայենք:

Հ.- Այն նպատակները, որոնք հետապնդում էին գործող սահմանադրութեան ընդունմամբ, օրակարգում են: Շատերի կարծիքով՝ դրանք մոռացուել են եւ ներկայումս ծառայեցում են իշխանութիւնների վերարտադրութեան օգտին:

Պ.- Մի շարք մարդիկ փորձում են ներկայացնել, որ ոչինչ չի փոխուել, որ ամէն ինչ նոյնն է, որովհետեւ դա իրենց ձեռնտու է: Իրականութեան մէջ շատ բան է փոխուել: Ես խօսեցի դատական համակարգի մասին: Օրինակ՝ դատաւորի նշանակման կամ նրա ազատման հետեւում այլևս գործադիրը չէ կանգնած: Սա մեծ փոփոխութիւն է, բայց նրանց համար ձեռնտու չէ խոստովանել, որ փոխուել է, որ յոյս կայ դէպի լաւ: Որոշների համար այդ յոյսը վտանգաւոր է, որովհետեւ իրենց պայքարի փիլիսոփայութիւնը փլուզում է: Քաղաքական ուժերը երկու տեսակի են լինում՝ մէկը, որ ուզում է բարեփոխումներով երկիրը զարգացման տանել, միւսը նրանք են, ովքեր անյապաղ իշխանափոխութիւն են ուզում, որ այդ ալիքի վրայով իշխանութիւն ձեռք բերեն: Չկայ այնպիսի ուժ, որ ունենայ այնքան ժողովրդականութիւն, որ իր իշխանութեան պահպանման գործը ապահով տեսնի: Եթէ չունես ժողովրդականութիւն, որպէսզի ապահովես իշխանութեան շարունակականութիւնը, դիմում ես այլ միջոցների՝ ուժի, խարդախութեան, բռնութեան, ճնշման, որ երկարաձգես իշխանութիւնդ: Կարծում եմ՝ այս երկրում կան հիմքեր արագ ու առանց ցնցումների զարգանալու:

Հ.- Դուք մտավախութիւն չունե՞ք, որ ՀՀԿ-ն այս սահմանադրութիւնը կիրառում է իր վերարտադրութեան համար. չէ՞ որ իրենց են վերապահուած մի շարք հնարաւորութիւններ, իրենց է վերապահուած վարչապետի թեկնածու առաջադրելու հնարաւորութիւնը:

Պ.- Ոչ, չունենա: Եթէ մի ուժ մեծամասնութիւն է, դա չի կարելի համարել ողբերգութիւն: Վերջ ի վերջոյ ընտրութիւնն է, որ պէտք է ճակատագրական լինի այս երկրում: Հիմա կ'ասեն, թէ ընտրութիւններն արդարացի չեն: Քաղաքական ուժերն են, որ պէտք է պարտադրեն արդար ընտրութիւններ: Ինչքան շատ քաղաքական ուժեր կայանան, այնքան երաշխաւորուած կը լինի արդար ընտրութիւնների անցկացումը: Մենք ամէն ինչ պէտք է անենք ժողովրդին քաղաքականօրէն կազմակերպելու, որ յաջորդ ընտրութիւնները շատ աւելի արդար լինեն, որ յաջորդ ընտրութիւններում ժողովրդի տրամադրութիւնը քուէի տեսքով արձանագրուի: Չնայած գիտեմ, որ այդ ժամանակ էլ կը լինեն ուժեր, որոնք կ'ասեն, որ ընտրութիւնները արդար չեն եղել: Մենք դեռ հեռու ենք արդար ընտրութիւններից: Մօտեցումները պէտք է փոխուեն, քաղաքական ուժերը պէտք է գիտակցեն՝ եթէ ՀՀԿ-ն 61 տոկոս ձայն չհաւաքէր, ապա ո՞վ 51 տոկոս ձայն կը հաւաքէր:

Հ.- Չկա՞յ նման ուժ:

Պ.- Կարծում եմ՝ չկայ: Նոյնիսկ ՀՀԿ-ն այդպիսին չէ, եթէ պետական ուժին, լծակին չի տիրապետում: Քաղաքական ուժերի նպատակը պէտք է լինի ոչ թէ ընտրութիւնները կեղծուած յայտարարելը, այլ իրական կազմակերպական գործ անելը, ժողովրդի մէջ թափանցելը, ժողովրդին կազմակերպելը:

Հ.- ՀՀԿ-ականներն առայժմ վարչապետի հնարաւոր մէկ թեկնածուի անուն են տալիս՝ Սերժ Սարգսեանը: Ընդդիմութիւնն էլ յիշեցնում է, որ ժամանակին նախագոյնացնում էր, որ նոր սահմանադրութեան ընդունմամբ հնարաւորութիւն է տրւում Ս. Սարգսեանին 3-րդ ժամկէտով պաշտօնավարել: Այն ժամանակ ՀՅԴ-ի համար պարզ չէր, որ նման փոփոխութիւններով Սերժ Սարգսեանը նորից պաշտօնավարելու կարելիութիւն է ստանում:

Պ.- Չեմ կարելորում նման գրոյցները: Սերժ Սարգսեանի համար 3-րդ անգամ ընտրուելու միակ լուծումը սահմանադրութեան այսպիսի փոփոխութիւնը չէր: Նա կարող էր այլ երկրների օրինակով արգելքը վերացնել: Ինչո՞ւ պէտք է փոխել սահմանադրութիւնն այնպէս, որ դատական համակարգը իր ձեռքից դուրս գար, որ ընտրական մեքենան իր 100 տոկոսանոց վերահսկողութիւնից դուրս գար, քաղաքական ուժերի դերակատարութիւնը մեծացնէր, խորհրդարանում դժուարացնէր անգամ պարզ մեծամասնութեան համար հիմնական օրէնքներն անցկացնելը, ինչո՞ւ: Նա կարող էր տարբեր փոփոխութիւնների դիմել, եթէ 3-րդ ժամկէտով պաշտօնավարելու նպատակն իր համար միակն էր: Եթէ մարդը խելք ունի, դատողութիւն ունի, պէտք է հասկանայ, որ ով ընտրութիւններին 51 տոկոս ձայն է հաւաքել, հէնց այդ ուժի առաջնորդն էլ դառնալու է վարչապետ: Այն օրը, երբ ՀՀԿ-ն արձանագրեց իր յաղթանակը՝ 51 տոկոս եւ աւելին, պարզ էր, որ այդ կուսակցութեան նախագահը պէտք է դառնայ վարչապետ: Հարցը լուծուեց այստեղ, ինքնաբերաբար, իսկ եթէ այդպէս չլինէր, ապա ինդիյր կը լինէր, կը ստացուէր, որ կուսակցութիւնը ղեկավարում է մէկի կողմից, բայց մէկ ուրիշը դառնում է վարչապետ: Այսինքն՝ վարչապետը ենթակայ կը լինէր իր կուսակցութեան ղեկավարին, կ'ունենայինք ստուերային իշխանութիւն: Անկելա Մերքելը քանիտորդ անգամ ընտրուում է Գերմանիայի վարչապետ, որովհետեւ իր կուսակցութիւնը կազմում է մեծամասնութիւն, բայց ինչո՞ւ Մերքելի մասին նոյն բանը չենք ասում:

Հ.- Ինչպէ՞ս էք քուէարկելու Սերժ Սարգսեանի թեկնածութեան օգտին:

Պ.- Այդ հարցը մեզ համար գրեթե լուծուած է, որովհետեւ մենք բանականութիւն ունենք, մենք հասկանում ենք, որ ՀՀԿ-ը պէտք է ներկայացնէր Սերժ Սարգսեանի թեկնածութիւնը, եթէ իր ղեկավարած կուսակցութիւնը ստացաւ ձայների 51 տոկոսն ու աւելին: Բարոյագիտութեան կանոններից ելնելով, յարգելով կուսակցութեանը՝ մենք սպասում ենք որոշմանը: Հաւանական է, որ այդ որոշման արդիւնքում որպէս վարչապետի թեկնածու ներկայացուի հէնց Սերժ Սարգսեանը, բայց մենք պարտաւոր ենք սպասել: Ձեւական մասն է մնացել: Մենք խնդիր չունենք, մենք այս տարիներին աշխատել ենք Սերժ Սարգսեանի հետ, խնդիր չկայ: Մեզ համար իտէլական թեկնածուն կը լինէր դաշնակցական թեկնածուն, բայց քանի որ նման հնարաւորութիւն չկայ, այդ մասին խօսելն աւելորդ է:

Հ.- Ասում էք, որ Ձեզ համար պարզ էր, որ ՀՀԿ-ի յաղթանակի դէպքում վարչապետի իրենց թեկնածուն կը լինի Սերժ Սարգսեանը: Բայց նա 2014 թուականին յայտարարել էր, որ չի յաւակնում վարչապետի կամ նախագահի պաշտօնին, եթէ սահմանադրութիւնն ընդունուի:

Պ.- Նա խօսում էր իր յաւակնութիւնների մասին: Այդտեղ էլ տրամաբանական բան կայ: Եթէ ՀՀԿ-ը չցանկանայ, Սարգսեանի յաւակնութիւնն ու՞մ է պէտք: Խօսքը վերջ ի վերջոյ ՀՀԿ թեկնածուի մասին է: Իսկ Սերժ Սարգսեանն իր յաւակնութիւնների մասին էր խօսում, ոչ թէ իր կուսակցութեան:

Հ.- ՀՀԿ-ականները Սերժ Սարգսեանի վարչապետութիւնը պայմանաւորում են ազգային ու պետական շահերով, ասում են, որ նրան այլընտրանք չկայ:

Պ.- Ես չեմ կարծում, որ նրան այլընտրանք չկայ, բայց այն, որ Սերժ Սարգսեանը կարող է այդ գործն անել, հաւատում եմ: ՀՀԿ-ն իրաւունք ունի իր թեկնածուին գովել, մեծարել, բայց իրաւունք չունի ժողովրդին ասել, թէ այս ժողովուրդն աւելի լաւ մէկը չէր կարող ունենալ: Սերժ Սարգսեանը, ՀՀԿ-ի կարծիքով, լաւագոյն թեկնածուն է իրենց համար:

Հ.- Իսկ հանրութեան համար Սերժ Սարգսեանը լաւագո՞յն թեկնածուն է:

Պ.- Ընտրութիւններ են տեղի ունեցել, ժողովուրդը գնացել, քուէարկել է, քուէարկել է ՀՀԿ-ի օգտին ու քաջ գիտակցել է, որ ՀՀԿ ղեկավարը Սերժ Սարգսեանն է: Այստեղ խաբէութիւն տեղի չի ունեցել: Կա՞մ ընտրութեան արդիւնքներն ընդունում ենք, կա՞մ ոչ: Չենք վիճարկել ընտրութեան արդիւնքները, ուրեմն վերջացած է հարցը:

Հ.- Նիկոլ Փաշինեանի ղեկավարած «Քաղաքացիական պայմանագիր»-ը հանրութեանը կոչ է անում դուրս գալ փողոց եւ պայքարել Սերժ Սարգսեանի վարչապետութեան դէմ: Քանի՞ հոգի պէտք է տեսնէք փողոցում, որ ականջալուր լինէք նրանց տեսակէտին:

Պ.- Ցանկացած խմբի տեսակէտ պէտք է հաշուի առնել: Քանակը չէ, որ այդքան կարեւոր է: Կարեւոր է այլ հարց: Ես Նիկոլ Փաշինեանի ճիգն ու ջանքը բնական եմ համարում, դա արտառոց չէ, նա փորձում է ժողովրդին աշխուժացնել, փողոց դուրս բերել, բայց կայ հարցի նաեւ միւս կողմը: Եթէ ժողովուրդը չի աշխուժացնել, փողոց դուրս չի գալիս, ուրեմն դա բան է նշանակում չէ՞: Ժողովուրդն զգում է հարցերի էութիւնը, լաւ հասկանում է երկրի դժուարութիւնները, տեսնում է այն ճիգը, որը գործադրում է փոփոխութիւններ կատարելու համար, չի տեսնում կայացած որեւէ այլընտրանքային ուժ, որ կարողանայ փոխել այս ամէնը, եւ

հենց այս պատճառով է, որ փողոց դուրս չի գալիս: Բնական է, որ մի մասը դուրս կը գայ, բայց դա համընդհանուր չի լինի: Այն մասը, որը փողոց դուրս կը գայ, նրանց ձայնը լսելի պետք է դառնայ, վերջապես դա էլ է մեր ժողովուրդը: Հնարաւոր չէ, որ 21-րդ դարում մի երկրի մէջ այսքան փոփոխութիւն լինի ու փողոցը հանգիստ լինի, ուստի բնական է, որ ցոյցեր պետք է լինեն, բողոքի արտայայտում պետք է լինի:

Հ.- Բայց ձեր որոշման վրայ չի ազդի, այո՞:

Պ.- Այո՛, մեր որոշման վրայ չի ազդի: Մենք պահի ազդեցութեամբ չէ, որ որոշում ենք կայացրել, մենք մեր ռազմավարութիւնն ունենք:

Հ.- Պատգամաւոր Էսմոն Մարութեանը Չորեքշաբթի օր առաջարկում էր ընդդիմութեանը որոշակի լծակներ տալ: ՀՅԴ-ն ընդդիմութիւն եղած ժամանակ բազմիցս խօսել է այս մասին, կողմնակից է եղել: Ինչ կարծիք ունէք:

Պ.- Այսօր էլ ենք մենք կողմնակից, բայց ո՞ր լծակների մասին է խօսքը: Ընդդիմութեանը պետք է տալ վերահսկման լծակներ, լծակներ, որտեղ ընդդիմութիւնն առաքելութիւն կ'ունենայ՝ կը վերահսկի իշխող ուժին: Մենք վաղուց այս պահանջը ներկայացրել ենք՝ թե՛ որպէս ընդդիմութիւն, թե՛ որպէս իշխանութիւն, որովհետեւ մեզ համար չէ, որ ասել ենք: Ընդդիմութիւնը կը դադարի լինել ընդդիմութիւն, եթէ գործադիրի մաս կազմի, բայց վերահսկման գործընթացին պետք է մասնակից լինի:

Հ.- Ձեւաւորուելիք կառավարութեան մէջ ՀՅԴ-ի պաշտօնները փոխուելո՞ւ են: Կա՞նք քննարկումներ:

Պ.- Սկզբնական քննարկումներ կան: Մեծ փոփոխութիւններ չեն ակնկալուում:

Հ.- Չկա՞յ յաւակնութիւն ընդլայնելու ՀՅԴ-ին տրուած թղթապանակների թիւը:

Պ.- Մենք երբեք նման մօտեցում չենք ունեցել, չենք ասել՝ մենք այս կ'անենք, ի՞նչ կը տաք մեզ: Նոյնիսկ կ'ամաչենք, եթէ այդպէս մտածենք: Բնական է, որ եթէ գործին մասնակցում ես, ուրեմն պետք է իրական պատասխանատուութիւն էլ կրես: Այս առումով է, որ մենք պարտականութիւններ ենք ստանձնել: Դա մեզ պետք է պետական համակարգը ներսից ճանաչելու, խորքից իմանալու, դժուարութիւնների մասին ամբողջական պատկեր կազմելու համար: Դա քաղաքական, պետական գործ է, կուսակցութեանը տրուող առաւելութիւն չէ: Ամէն ինչ պայմանաւորուած է նաեւ քատրերով, յաջող քատրերով: Եթէ չունենանք յաջող քատրեր, ամենալաւ բանն էլ մեզ հրամցնեն՝ պետք է հրաժարուենք դրանից, որովհետեւ մեր նպատակն այն չէ, որ մի մարդ ունենանք այնտեղ: Պետք է ունենանք մէկը, ով իրապէս լաւ կը կատարի այս գործը: Գուցէ որոշները համարեն, որ չափազանցում եմ, բայց ո՛չ, մենք շահ չունենք, որ այսինչ դաշնակցականը լինի նախարար կամ մարզպետ:

Հ.- Երրորդ փոխվարչապետի պաշտօնը ՀՅԴ-ին տալու հարցը չի՞ քննարկուել:

Պ.- Չենք քննարկել, նման թեմա չկայ:

Արցախի Մէջ. Նախագահ Սահակեան Հրաւիրած Է Աշխատանքային Խորհրդակցութեան

Արցախի Հանրապետութեան նախագահ Բակո Սահակեան 3 Ապրիլին հրաւիրած է աշխատանքային խորհրդակցութեան՝ նուիրուած հանրապետութեան մէջ ընկերային-տնտեսական շարք մը ծրագիրներու իրականացման առնչուող հարցերուն: Այս մասին կը հաղորդեն Արցախի Հանրապետութեան նախագահի աշխատակազմի տեղեկատուութեան գլխաւոր վարչութենէն:

Նախագահը յստակ յանձնարարականներ տուած է շահագրգիռ մարմիններու ղեկավարներուն՝ քննարկուած հարցերու պատշաճ լուծումներուն ուղղութեամբ:

Խորհրդակցութեան մասնակցած են պետական նախարար Արա Յարութիւնեան եւ պաշտօնատար այլ անձեր:

Հայաստան – Արցախ Կրթական Համագործակցութիւնը Կը Չարգանայ

Հայաստանի Հանրապետութեան կրթութեան եւ գիտութեան նախարար Լեւոն Մկրտչեանի հրաւերով Երեւան կը գտնուի Արցախի Հանրապետութեան կրթութեան, գիտութեան եւ մարմնակրթութեան նախարարութեան պատուիրակութիւնը՝ նախարար Նարինէ Աղաբալեանի գլխաւորութեամբ: Չորեքշաբթի օր կրթութեան եւ գիտութեան նախարարութեան մէջ տեղի ունեցած է երկու նախարարութիւններու ղեկավար կազմերու հանդիպում մը, որուն ընթացքին քննարկուած են երկկողմանի համագործակցութեան ամրապնդման եւ զարգացման վերաբերող հարցեր:



Հանդիպումին նախարար Լ. Մկրտչեան ըսած է. «Մենք մեծ ակնկալիքներ ունինք մեր համագործակցութենէն, քանի որ Արցախը բաւական լուրջ կրթական կարողականութիւն ունի, երիտասարդութիւնը բացարձակօրէն նուիրուած է կրթութեան եւ գիտութեան: Արցախը կարելոք քայլ առաւ է դէպի որակեալ կրթութիւն, սակայն կրթութեան բոլոր մակարդակներուն վրայ տակաւին բաւական ընելիքներ ունինք»:

Արցախի Հանրապետութեան կրթութեան, գիտութեան եւ մարմնակրթութեան նախարար Նարինէ Աղաբալեան, շնորհակալութիւն յայտնելով հրաւերին համար, նշած է, որ այս հանդիպումին շնորհիւ աւելի կը յստականան երկու նախարարութիւններուն միջեւ հետագայ համագործակցութեան քայլերը: «Պէտք է պարբերաբար հանդիպիլ, որպէսզի միասնաբար իրագործենք բոլոր այն բարեփոխումները, որոնք նախատեսուած են», ընդգծած է Աղաբալեան:

Հանդիպումի աւարտին Հայաստանի Հանրապետութեան կրթութեան եւ գիտութեան նախարար Լեւոն Մկրտչեան պարգեւատրուած է արցախեան շարժումի 30-ամեակի յուշամետալով:

ՄԻՋԱԶԳԱՅԻՆ

Անգարայի Եռակողմ Վեհաժողով. Սուրիոյ Մէջ ՏԱՀԵՇ-ին Ու Քայիտային Վերջ Տալու Եւ Սահմանադրական Յանձնախումբի Աշխատանքի Ձեռնարկումը Դիրացնելու Շուրջ Համաձայնութիւն

Իրանի պետական պատկերասփիւռի կայանը հաղորդեց, որ Թուրքիոյ, Իրանի եւ Ռուսիոյ նախագահները Չորեքշաբթի օր Անգարայի մէջ իրենց եռակողմ ժողովին ընթացքին համաձայնած են սուրիացի գաղթականներու տունդարձի պայմանները պատրաստելու եւ շարունակելու իրենց գործակցութիւնը «Սուրիոյ մէջ խաղաղութեան ու կայունութեան հաստատման համար»:

Երեք երկիրներու նախագահներուն՝ Ռեճեփ Թայիփ Էրտողանի, Հասան Ռուհանիի եւ Վլատիմիր Փութինի ժողովէն ետք հրապարակուած նախագահական միացեալ հաղորդագրութիւնը նշեց, որ երեք ղեկավարները պատրաստ են սուրիական սահմանադրական յանձնախումբի աշխատանքի կարելի եղածին չափ շուտ ընթացք առնելուն օժանդակելու, Ասթանայի հովտովոյթի երաշխաւոր երեք երկիրները մտադիր են շարունակել գործակցութիւնը՝ մինչեւ Սուրիոյ մէջ ՏԱՀԵՇ-ին ու Քայիտային ոչնչացումը, ինչպէս նաեւ միջազգային ընտանիքին ու ՄԱԿ-ին կոչ կ'ուղղեն Սուրիոյ մարդասիրական օժանդակութիւնները աւելցնելու:

Միացեալ հաղորդագրութիւնը նշեց, որ երաշխաւոր երեք երկիրները վճռական են շարունակելու ահաբեկչութեան դէմ պայքարը, միաժամանակ ահաբեկիչները զինեալ ընդդիմութենէն անջատելու կարեւորութիւնը շեշտեց:

Ըստ հաղորդագրութեան, յաջորդ եռակողմ վեհաժողովը պիտի գումարուի Թեհրանի մէջ:

Էրտողան Փութինի եւ Ռուհանիի հետ տրուած միացեալ մամլոյ ասուլիսի ընթացքին յայտնեց, թէ «Եփրատի վահան» գործողութիւնը Սուրիոյ մէջ 3 հազար ահաբեկիչ ոչնչացուցած է՝ աւելցնելով, որ իր երկիրը պիտի փորձէ հիւսիսային Սուրիոյ մէջ թրքական բանակի գործողութիւններուն ընթացքին քաղաքայիններու շարքերուն մէջ զոհերու արձանագրումը նուազեցնել:

Ան յայտնեց, որ Թուրքիան, Ռուսիան եւ Իրանը, իբրեւ երաշխաւոր երկիրներ կը փորձեն Սուրիոյ ապագային շուրջ համաձայնութիւն գոյացնել՝ նշելով, որ այդ երկիրներուն միջեւ գոյանալիք համաձայնութիւններն ու քայլերը ի նպաստ Սուրիոյ եւ անոր ժողովուրդին պիտի ըլլան:

Էրտողան քիւրտերուն յատկացուած ամերիկեան աջակցութեան ակնարկելով աւելցուց, որ Սուրիոյ հողային ամբողջականութիւնը կախեալ է «ահաբեկչական բոլոր կազմակերպութիւններէն հեռաւորութիւն պահելէն»:

Թուրքիոյ նախագահը նաեւ ըսաւ, թէ իր երկիրն ու Ռուսիան կը գործակցին Թել Ապիատի մէջ վերջերս Արեւելեան Ղութայէն հեռացած զինեալներուն ու անոնց ընտանիքներուն համար հիւանդանոցի մը հաստատման շուրջ:

Իրանի նախագահը Միացեալ Նահանգները ամբաստանեց շրջանի երկիրներուն տիրելու համար ահաբեկիչները օգտագործելու յանցանքով՝ նշելով, որ սուրիացի ժողովուրդը այսօր մեծ յոյս ունի խաղաղութեան հաստատման եւ գաղթականներու տունդարձին նկատմամբ:

Ռուսիանի շեշտեց, որ սուրիական տագնապը զինուորական լուծում չունի եւ պէտք է քաղաքական լուծում մը որոնել՝ աւելցնելով, որ Սուրիոյ պետութեան գերիշխանութիւնն ու հողային ամբողջականութիւնը «առանցքային հարցեր են», եւ բոլորը պէտք է զայն յարգեն:

«Ոչ ոք կրնայ սուրիացի ժողովուրդին փոխարէն որոշել անոր ճակատագիրը: Այդ ժողովուրդը ինք ընտրութիւններու ճամբով պէտք է զայն ճշդէ», ըսաւ Իրանի նախագահը:

Ռուսիոյ նախագահը իր կարգին յայտնեց, թէ եռակողմ քննարկումները տեղի ունեցած են շինիչ մթնոլորտի մէջ: Ան աւելցուց, որ համաձայնութիւն գոյացած է լուծումի առաջնորդող բոլոր քայլերուն մէջ համագործակցելու, մասնաւորաբար Ասլանայի բանակցութիւններուն ճամբով:

Երեք կողմերը նաեւ քննարկեցին Սոչիի խորհրդածոյովին ընթացքին գոյացած համաձայնութիւններու գործադրութեան կարելիութիւնները:

Փութին նշեց, որ համաձայնութիւն գոյացած է տագնապի աւարտէն ետք Սուրիոյ վերակառուցման յատուկ ջանքերուն շուրջ:

Միւս կողմէ, Փութինի օգնական Եուրի Ուշաքով յայտնեց, որ վեհաժողովը շինիչ էր, եւ երեք ղեկավարները գործնական եւ ոչ ժխտական մթնոլորտի մէջ քննարկած են Աֆրինի մէջ «Ձիթենիի ճիւղ» գործողութիւնը:

Իրանեան պետական պատկերասփիւռի կայանը հաղորդեց, որ Ռուսիանի Թուրքիոյ եւ Ռուսիոյ նախագահներուն յայտնած է, թէ Աֆրինի շրջանը պէտք է յանձնուի սուրիական բանակին:

Նշենք, որ Ռուսիոյ նախագահը մէկ օր առաջ Էրտողանի հետ իր բանակցութիւններու արդիւնքներուն նուիրուած մամլոյ ասուլիսի ընթացքին յայտնած էր, որ Ռուսիոյ ու Թուրքիոյ յարաբերութիւններու զարգացման առումով խոչընդոտներ չկան: Անգարան Մոսկուայի «գերակայ եւ շատ յուսալի գործընկերն է»:

Փութին նշած է, որ Էրտողանի հետ համաձայնած է արագացնել «Էս-400» հակաօդային համակարգերը թրքական կողմին յանձնելու հոլովոյթը, որուն առաջին քայլը կը նախատեսուի 2019-ին:

Էրտողան շեշտած է, որ պիտի չհրաժարի Ռուսիայէն «Էս-400»-ներ ձեռք բերելու միտքէն, նոյնիսկ Միացեալ Նահանգներու կողմէ հաւանական պատժամիջոցներու սպառնալիքին տակ:

Ըստ Ամերիկեան Պաշտօնական Աղբիւրի Մը. Ամերիկեան Ուժերը «Աւելի Երկար» Պիտի Մնան Սուրիոյ Մէջ

«Ռոյթըրըզ» լրատու գործակալութիւնը Չորեքշաբթի օր հաղորդեց, որ ամերիկեան պաշտօնական աղբիւր մը յայտնած է, թէ Միացեալ Նահանգներու նախագահ Տանըլտ Թրամփի համաձայն գտնուած է ամերիկեան ուժերը Սուրիոյ մէջ «աւելի երկար» պահելու, սակայն կ'ուզէ զանոնք համեմատաբար մօտ ատենէն հեռացնել:

Պաշտօնատարը յայտնեց, որ Թրամփի երեքշաբթի օր Ամերիկայի Ազգային անվտանգութեան խորհուրդի ժողովին ընթացքին համաձայնած է ամերիկեան ուժերը աւելի երկար պահելուն, սակայն չ'ուզէր երկարատեւ յանձնառութիւն մը: «Կ'ուզէ ՏԱՀԵՇ-ի պարտութիւնը երաշխաւորել եւ շրջանի այլ երկիրներէն կը փափաքի Սուրիոյ մէջ կայունութեան հաստատման համար աւելի ջանք թափել եւ օժանդակել», ըսած է աղբիւրը:

Թրամփ մէկ օր առաջ յայտնած էր, թէ Մէուտական Արաբիոյ ըսած է, թէ վերջինս կրնայ ստիպուիլ գումարներ վճարել ամերիկեան ուժերու Սուրիոյ մէջ պահպանման համար, սակայն աւելցուցած էր, որ ամերիկեան ուժերուն համար Սուրիոյ մէջ հիմնական առաքելութիւնը ՏԱՀԵՇ-էն ձեռքազատիլն է՝ նշելով. «Այդ առաքելութիւնը գրեթէ անարտեցինք, եւ մօտ օրէն այդտեղ գտնուող մեր ուժերուն ապագային վերաբերեալ որոշում մը պիտի որդեգրենք»:

Փենթակոն. «Թուրքիա Կը Շարունակէ ՕԹԱՆ-ի Մէջ Մեր Մերտ Դաշնակիցը Ըլլալ»

Միացեալ Նահանգներու պաշտպանութեան նախարարութեան՝ Փենթակոնի բանբեր Ճոնի Մայքըլ յայտարարեց. «Թուրքիան կը շարունակէ Հիւսիսային Ատլանտեան դաշինքի՝ ՕԹԱՆ-ի մէջ մեր սերտ դաշնակիցը ըլլալ, եւ Ինճիրլիքի մէջ անոր օդուծի ռազմակայանը կը շարունակէ դաշինքին համար կարեւոր դեր ունենալ»:

Մայքըլ շեշտեց ՏԱՀԵՇ-ի դէմ պայքարին մէջ դաշինքին համար Ինճիրլիք ռազմակայանի կարեւորութիւնը՝ հերքելով այդ ռազմակայանին վերաբերեալ լուրերը:

«Այդ լուրերուն նպատակը Անգարայի եւ Ուաշինկթընի միջեւ անվստահութիւնը աճեցնելն է եւ սեպ խրելը այնպիսի պահու մը, երբ պետք է մեր հասարակաց շահերը հետապնդենք», նշեց ան:

Յիշեցնենք, որ թրքական «Հիրրիէթ» օրաթերթը հաղորդած էր, թէ Միացեալ Նահանգներ Ինճիրլիք ռազմակայանէն դուրս բերած են զինամթերքի շարժական յաւելեալ պահեստ մը՝ անոր այլեւս կարիք չ'ունենալուն պատճառով՝ աւելցնելով, որ ատիկա ռազմակայանէն դուրս բերուած ամերիկեան արդէն երրորդ շարժական զինապահեստն է:

Նախապէս հաղորդուած էր, որ Միացեալ Նահանգներ կտրուկ կերպով կրճատած են Ինճիրլիքի տարածքէն կատարուող զինուորական գործողութիւններու թիւը:

ԱՆԴՈՒՄԱՐ

**Ապրիլեան Պատերազմը Ցոյց Տուաւ, Որ Եթէ Ժամանակին
Լսուէր Առողջ Քննադատութիւնը, Շատ Խնդիրներ Այլ
Կերպով Կը Լուծուէին. Սպարտակ Մէյրանեան**

«Մտածել, որ մենք հիմա աւելի լաւ պատրաստուած ենք պատերազմի, քան՝ երկու տարի առաջ, կամ հասարակութիւնը որակապէս շատ փոխուած է, կը կարծեմ, որ այդ յուզիչ խօսքերէն ու արտայայտութիւններէն պէտք է զերծ մնալ եւ իրական գետնի վրայ պատկերացնել վիճակը», այսպէս արտայայտուեցաւ «Շանթ» պատկերասփիւռի կայանի եթերէն Հայ յեղափոխական դաշնակցութեան Բիւրոյի անդամ Սպարտակ Մէյրանեանը՝ անդրադառնալով Ապրիլեան պատերազմէն քաղուած դասերուն:



«Դասերը, գորս քաղեցինք 2 տարի առաջ եւ տակաւին կը քաղենք, ցոյց տուին, որ շատ մը ուղղութիւններով շատ ընելիքներ ունինք: Բանակաշինութիւնը անընդհատ գործընթաց է, եւ մենք չենք կրնար ըսել, որ այս պահուն ունինք շատ լաւ վիճակ: Որեւէ լաւ վիճակ յաջորդ օրը կրնայ փոխուիլ: Այդ կը նշանակէ, որ բոլոր ուղղութիւններով եւ լայն ծաւալներով այն բարեփոխումները, որոնք կ'իրականացուին Բանակաշինութեան մէջ, մեր հարցերուն միայն մէկ հատուածն են», ըսաւ Սպարտակ Մէյրանեանը:

Ան մէջբերած է պաշտպանութեան նախարարին այն դիտարկումը, որ երկրի պաշտպանութիւնը կենսակերպ է, Բանակը միայն խրամատին կանգնած զինուորը չէ, կամ՝ դիրքապահը: Ըստ Սպարտակ Մէյրանեանին, Բանակին հզօրութիւնը կախեալ է այդ զինուորին համար համազգեստ ու կօշիկ կարողէն, կախեալ է անոր համար սնունդ բերողէն, հայրենիքի թիկունքի տրամադրութիւններէն եւ այն միտքերէն ու մօտեցումներէն, որոնցով այդ զինուորը պէտք է ապրի ամէն օր եւ հասկնայ, որ իր թիկունքին ամբողջ հասարակութիւնը կանգնած է, եւ հայրենիքի պաշտպանութիւնը միայն այդ առաջնագիծի զինուորներուն աշխատանքը չէ:

«Այս իմաստով, կը կարծեմ, որ շատ բան իրագործուած է, բայց դեռ շատ շատ բաներ կան ընելիք, եւ այդ գործընթացը երբեք աւարտ չ'ունենար, որովհետեւ մենք պատերազմական վիճակի մէջ ենք: Ոեւէ մէկը ապահովագրուած չէ նման ռազմական բախումներէ, կամ՝ անոնց ուժգնացման որեւէ ապահովագրութիւն չկայ: Միակ ապահովագրութիւնը, թերեւս, այն է, որ մենք ունենանք այնպիսի տնտեսութիւն, այնպիսի հասարակութիւն, հետեւաբար՝ այնպիսի բանակ, որ մեր հակառակորդին մէջէն վերացնէ Հայաստանի դէմ հերթական ռազմական արկածախնդրութիւն իրականացնելու գայթակղութիւնը», ըսաւ ան:

Անդրադառնալով այն հարցին, թե մենք ըստ արժանույն կը գնահատենք մեր հերոսները, Սպարտակ Մէյրանեան ըսաւ. «Պարտադիր չէ զինուորը գոհուի, որ մենք զինք գնահատենք, եւ պարտադիր չէ ռազմական գործողութիւններ ըլլան, որ այդ տղաները հերոսութիւն ցոյց տան, որ մենք գնահատենք: Եւ այսօր, այս պահուն, յարաբերական խաղաղութեան պայմաններուն մէջ, իրամատին կանգնած զինուորը արդէն հերոս է, եւ հասարակութեան համապատասխան վերաբերմունքը այդպիսին պէտք է ըլլայ»:

ՀՅԴ Բիւրոյի անդամը վստահ չէ, որ հասարակութեան բոլոր շերտերը, բոլոր խաւերը 100 տոկոսով նման տրամադրութիւն, նման վերաբերմունք ունին, թէ՞ չէ, ոչ ալ կ'ակնկալէ, որ այդպիսի իրավիճակ պէտք է ըլլայ:

Սպարտակ Մէյրանեանին համար կարեւորը այն է, թէ հայ քաղաքական դասի մեծագոյն մասը ի՛նչ վերաբերմունք ունի իր ընդդիմադիրներուն նկատմամբ, հայ մտաւորականութիւնը ի՛նչ վերաբերմունք ունի այդ առումով, լրատուական դաշտը ի՛նչ վերաբերմունք ունի այդ առումով: Պատերազմ ըսելով՝ միայն այդ շփման գիծի պատերազմը չենք հասկնար:



«Կայ լրատուական եւ լրագրողական պատերազմ եւս: Շնորհիւ Հայաստանի լրագրողներուն, երկու տարի առաջ, երբ նստած, տարբեր լեզուներով, ընկերները զօրաշարժի ենթարկուած՝ թարգմանութիւններ կ'ընէին, անոնք ալ տեղեկատուական պատերազմի մէջ էին: Այսինքն այդ երեխաները, այդ աղջիկներն ալ զինուորներ էին այդ պահուն, չէ՞: Հետեւաբար հասարակութեան վերաբերմունքին մէջ ամենակարեւորը, կը կարծեմ, զինուորին նկատմամբ, ընդհանրապէս, անկախ անկէ թէ այդ զինուորը

ռազմական գործողութիւններուն մասնակցեր է, հրասայլ խփեր է, թէ՞ չէ, այլ պարզապէս զինուորին, զինուորականին նկատմամբ պէտք է վերաբերմունքի արմատական փոփոխութիւն տեղի ունենայ: Ես կողմնակից չեմ պետական միջոցառումներու ձեւով այդ մէկը իրականացնելուն. անոնք իրենց տեղն ու դերը անշուշտ ունին, բայց բանակին ու զինուորականին նկատմամբ վերաբերմունքը կը սկսի մանկապարտեզէն, ընտանիքէն, միջավայրէն, հասարակական այն միջավայրէն, որ բանակէն խուսափիլը կը համարէ ոչ թէ ճարպիկութիւն, այլ՝ անարգանք», ըսաւ Սպարտակ Մէյրանեանը:

Ըստ Մէյրանեանին, հասարակութեան մէջ պէտք է ըլլայ անհանդուրժողականութիւն բանակին ու զինուորականին դէմ ուղղուած ամէն ինչին: Ան չի կարծեր, որ պէտք չէ քննադատել, ընդհակառակը, անոր կարծիքով, երկու տարի առաջուան տեղի ունեցածը ցոյց տուաւ, որ առողջ քննադատութիւնը, եթէ ժամանակին լսուէր, շատ ու շատ խնդիրներ այլ կերպով կը լուծուէին:

WWW.AZTARAR.COM

ԼՈՒՐԵՐ ԳԱՂՈՒԹՆԵՐԷՆ

«Կինը Եւ Ընտանիքը» Ցուցահանդես

11 մարտին, Հալեպի բերդին շուրջ, Հալեպի Առեւտուրի պալատի Գործարար կիներու յանձնախումբին կազմակերպած «Կինը եւ ընտանիքը» 10-րդ քառօրեայ ցուցահանդեսը հասաւ իր աւարտին:



Յանձնախումբի նախագահ Լինա Աշրաֆիէն յայտնեց, որ նախորդ 4 օրերուն ցուցահանդեսի այցելուներուն թիւը անցաւ 50 հազարը: Ցուցահանդեսը առիթ էր նաեւ իւրաքանչիւր հալեպցի ընտանիքի՝ այցելելու հին Հալեպի շրջանը եւ Հալեպի բերդը, որոնք հնագիտական եւ մշակութային արժէք կը ներկայացնեն եւ տարիներու ընթացքին դարձան ահաբեկչութեան դէմ պայքարի խորհրդանիշներ:

Յանձնախումբի անդամ Հուրի Քեօշկերեանը յայտնեց, որ ցուցահանդեսը յարմարագոյն առիթն էր սուրիացի կիներու տաղանդն ու կարողութիւնը յայտնաբերելու: Ան անդրադարձաւ ցուցահանդեսին կողքին կազմակերպուած այլ աշխատանքներու, ինչպէս՝ փոքրերու յատուկ անվճար տաղաւարի մը գոյութեան, ուր այցելեցին աւելի քան չորս հազար մանուկներ եւ՝ նահատակներու ընտանիքներու պարգեւատրման:

Նշենք, որ «Կինը եւ ընտանիքը» 10-րդ ցուցահանդեսին իրենց մասնակցութիւնը բերին 25 հալեպահայ գործարար կիներ, ինչպէս նաեւ՝ ՍՕԻ-ի ձեռարուեստի եւ աշխատանոցի յանձնախումբերը, որոնք ստանձնեցին «Նախշատուն» անունը կրող տաղաւար մը, իսկ «Փերթակ» խոհանոցը ներկայացաւ իր առանձին տաղաւարով:

Ցուցահանդեսի աւարտին կազմակերպիչ մարմինը յատուկ գնահատագիրներով պարգեւատրեց մասնակիցները:

Ծանօթացման Հանդիպում` Լիբանանի Նոր Հիւպատոսին Հետ

Կազմակերպութեամբ Լիբանան-ամերիկեան գործակցութեան խորհրդատու մարմինին, 18 մարտին, Պեւքրիի Հիլզի մէջ տեղի ունեցաւ ընդունելութիւն մը` ի պատիւ Լոս Անճելըսի մէջ Լիբանանի նոր նշանակուած գլխաւոր հիւպատոս Միքնա Խաուլիի, առիթ ընծայելու համար,



որ ան ծանօթանայ շրջանի ներկայացուցչական դէմքերուն:

Յանուն Արեւմտեան թեմի առաջնորդ Մուշեղ արք. Մարտիրոսեանին, առաջնորդական փոխանորդ Թորգոմ ծ. վրդ. Տօնոյեանը ներկայ եղաւ ձեռնարկին եւ փոխանցեց առաջնորդ սրբազանին ու ժողովականութեան ողջոյնը` բարի երթ մաղթելով անոր իր առաքելութեան մէջ:

Դոկտ. Ռուբինա Փիրումեանի` «Իմ Հայրս` Այր Քաջութեան Եւ Աննկունութեան. Վերապրող Մը` Ստալինեան Քուլակէն» Հատորին Գինեձօնը

1 մարտին Կլենտելի «Գարամանուկեան երիտասարդական կեդրոն»-ի «Իսահակ եւ Ժանեթ Գազանճեան» սրահին մէջ տեղի ունեցաւ ծանօթ մտաւորական ու Հայ դատի սպասարկու դոկտ. Ռուբինա Փիրումեանի` «Իմ հայրս` այր քաջութեան եւ աննկունութեան. վերապրող մը` ստալինեան քուլակէն» գիրքին գինեձօնը:

Օրուան հանդիսավար, «Ասպարեզ»-ի խմբագիր Աթօ Պողիկեանը ողջունեց հատորին հրատարակութիւնը եւ գնահատանքով անդրադարձաւ հեղինակի վաստակին:



Գիրքին ներկայացումը կատարեց դոկտ. Շաքէ Քաֆթարեանը, որ ընդհանուր գիծերու մէջ հարազատ պատկեր մը տուաւ բովանդակութեան ու անկէ բխող պատգամներուն մասին: Հատորը հեղինակին հօր` Բաղդիկ Մինասեանի կեանքին պատմութիւնն է, կեանք մը, որ նուիրուած է ազգի ու հայրենիքի ծառայութեան, անցած է դառն փուլերէ, մասնաւորաբար` ստալինեան հալածանքներու պատճառով:

Այնուհետև իր սրտի խօսքը արտասանեց փրոֆ. Ռիչարտ Յովհաննէսեանը, որ դրուատիքով եւ գնահատանքով արտայայտուեցաւ գիրքին եւ հեղինակին մասին՝ մասնաւորաբար կանգ առնելով «Եռ. Սի. Էլ. Էյ.»-ի անոր օրերէն ի վեր Յեղասպանութեան մասին ուսումնասիրութեանց ու ինքնուրոյն գրականութիւն մշակելու արժանիքին վրայ:

Դոկտ. Ռուբինա Փիրումեանը խօսք առնելով՝ շնորհակալութիւն յայտնեց կազմակերպիչներուն, ապա անդրադարձաւ հատորին պատրաստութեան մղում տուող պայմաններուն, ինչպէս նաեւ՝ պատանութեան շրջանին իր ապրած յուզումներուն մասին:

Եզրափակիչ խօսքը արտասանեց թեմի առաջնորդ Մուշեղ արք. Մարտիրոսեանը: Ան գնահատալից խօսքերով շնորհաւորեց դոկտ. Փիրումեանը եւ նշեց, որ հատորը արտայայտութիւնն է հօրը անձին, վաստակին ու աւանդին հանդէպ հեղինակին երախտագիտական զգացումներուն, լուսարձակի տակ կը բերէ անոր կեանքի ցարդ թաքուն մնացած կարգ մը ծայքերը: Սրբազան հայրը նկատել տուաւ, որ հատորը ցոյց կու տայ, որ Բաղդիկ Մինասեանն ու սերնդակիցները ինչպիսի՛ հաւատարմութեամբ եւ իրենց կուսակցութեան՝ ՀՅԴ-ի ճամբով լծուած են հայրենիքի ծառայութեան, հալածանքներ կրած՝ իրենց ազգային ուղեգիծին համար, սակայն չեն կորսնցուցած լաւատեսութիւնը եւ անժամանցելի պատգամներ հաղորդած են իրենց զաւակներուն ու յաջորդ սերունդներուն: Այս բոլորը ներշնչումի աղբիւր եղած են հեղինակին համար:

Հայկական Մշակոյթի Թանգարանի Բացում

21 փետրուարին «Մայրենի լեզուի միջազգային օր»-ը Ռեբիխի անուան գրադարանին մէջ տեղի ունեցաւ հայկական մշակոյթի «Նաւասարդ» թանգարան-սրահի բացման արարողութիւնը:



Գրադարանը երկար ժամանակ համագործակցած է հայ համայնքին հետ. առ այդ, ընդունուած է հայկական մշակոյթին, գրականութեան ու արուեստին նուիրուած սրահ բանալ:

Քիւլի Հայ համայնքի կիներու միութեան եւ գրադարանի ներկայացուցիչներուն համատեղ ջանքերով հաւաքուած են մեծ թիւով գիրքեր, նկարներ եւ հայկական մշակութային ժառանգութեան այլ նմուշներ:

Նշենք, որ այժմ Ուքրանիոյ բազմաթիւ քաղաքներու մէջ կ'ապրին մեծ թիւով հայ համայնք մը. հոն կան նաեւ եկեղեցիներ, դպրոցներ եւ կը գործեն հասարակական-մշակութային կազմակերպութիւններ:

ԱՅԼԱԶԱՆ

Արտայայտություններ, Որոնց Պատճառով Երեխան Կը Դառնայ Բարդութաւորուած Չափահաս Մը

Քու Տարիքիդ Ես Դասարանին Առաջինն Էի...

Մինչեւ 6 տարեկան ծնողները երեխաներուն համար գրեթէ աստուածներ են, որոնք գիտեն ամէն ինչ: Վերոյիշեալ խօսքով դուք մրցակցութիւն կը ստեղծէք. կարծէք՝ կ'ուզէք ըսել. «Դուն երբեք չես հասնիր իմ մակարդակիս»: Այսպիսի մթնոլորտի մէջ մեծցած ձեր զաւակը ամբողջ կեանքին



ընթացքին պիտի փորձէ հաւասարիլ ձեզի եւ ապացուցել, որ ինք ալ լաւ եւ կարող է:

Սակայն հարցը այն է, որ այդ պարագային ձեր չափահաս զաւակը տեղ հասած է ոչ թէ իր, այլ ձեզի համար, որպէսզի դուք տեսնէք, որ ինք արժանի զաւակ է: Հետագային նման երիտասարդներ երբեք չեն ուրախանար իրենց յաջողութիւններով, սակայն կ'ուրախանան, երբ ծնողները նկատեն այդ յաջողութիւնը:

Տե՛ս, Ընկերդ 18 Ստացեր Է, Իսկ Դուն՝ 16...

Մովորաբար դուք այս համեմատութիւնը կ'ընէք «լաւ» նպատակով: Շատ հաւանաբար դուք ալ ձեր կարգին նոյն խօսքերը լսած էք ձեր ծնողներէն, բայց դժբախտաբար մոռցած էք, թէ որքա՛ն ցաւոտ է երեխային համար, երբ ծնողը զինք կը մերժէ եւ կը գնահատէ մէկ ուրիշը:

Ձեր զաւակը այս ցաւոտ փորձառութիւնը իրեն հետ կը տանի մինչեւ հասուն տարիք: Ան մինչեւ իսկ կը սկսի ատել այն անձը, որուն հետ զինք մնայուն ձեւով համեմատեր էք:

Յիշեցէ՛ք, որ ձեր զաւակին համար շատ տհաճ է, երբ զինք կը համեմատէք դասընկերոջ, քրոջ, եղբոր կամ մէկ ուրիշին հետ: Չափահաս տարիքին ձեր զաւակը անգիտակցաբար պիտի շարունակէ ինքզինք համեմատել ուրիշին հետ եւ հոգեպէս անհանգիստ երիտասարդ մը պիտի դառնայ:

Ճիշդ Հօրդ (Մօրդ) Կը Նմանիս...

Անշուշտ այս արտայայտութիւնը ցոյց կու տայ, այս պարագային ծնողներուն միջեւ տիրող անհամերաշխութիւնը, որուն զինք կը վճարէ ձեր խեղճ զաւակը: Որպէս այր ու կին՝ իրարու բան չէք ըսեր, սակայն զիրար կը մեղադրէք ձեր երեխային ճամբով, ինչ որ շատ անընդունելի է:

Եթե պատահի, որ ձեր գաւկին ըսէք՝ «Հօրդ նման յամառ ես» (եւ կամ՝ հակառակը), այնպէս մը կը հասկցուի, որ հայրը վատ մարդ է, եւ բնական է, որ ձեր գաւակը պիտի չփափաքի հետագային դառնալ հօրը նման յամառ ու վատ մարդ:

Զգուշացէք նման փոխադարձ մեղադրանքներէ, որոնք ընտանիքը կը քայքայեն:

Հեռացի՛ր Եւ Այլեւս Աչքիս Չերեւաս...

Ձեր գաւկին ուղղուած այս խօսքէն երեխան հետեւեալը կը հասկնայ. «Դուն փճացուցած ես կեանքս: Անհետացի՛ր: Դուն հոս պէտք չէ ըլլաս»:

Որպէս հետեւանք՝ ձեր գաւակը կ'ունենայ մեղքի զգացում, քանի որ ինք խանգարեր է ձեր երջանկութիւնը... Եւ այսպէս, ամբողջ կեանքը խղճի խայթի զգացումով կ'ապրի:

Առհասարակ երեխային որեւէ բան ըսելէ առաջ հարկաւոր է լաւ մտածել: Զայրոյթի պահուն չմտածուած եւ արագ ըսուած խօսքեր անդարձ աւերներ կը գործեն եւ ձեր աչքին լոյս գաւակը կը դարձնեն դժբախտ եւ բարդութաւորուած չափահաս մը:

Մենք հոս ներկայացուցինք ծնողներուն կողմէ գաւակներուն ուղղուած սխալ արտայայտութիւններու մէկ քանի օրինակ: Առանց մանրամասնութիւններու մէջ մտնելու՝ տանք նոյնքան վիրաւորական այլ օրինակներ.

Եթէ այսպէս շարունակես, ես ա՛լ քեզ պիտի չսիրեմ:

Զիս խայտառակեցիր:

Եթէ այսպէս շարունակես, քեզ ուրիշին կու տանք:

Քիչ յետոյ, տունը դատդ կու տամ:

Եթէ այսպէս շարունակես, տունը կը ձգեմ ու կ'երթամ:

Գլխացաւը Բուժող 3 Միջոց

Ուղեղի անօթներուն կանոնաւոր մաքրումը կը վերացնէ գլխացաւը եւ կը բարելաւէ տրամադրութիւնը:

Ստորեւ՝ 3 արդիւնաւէտ բաղադրատոմսեր, որոնք կը մաքրեն ուղեղին անօթները:

Մեղր Եւ Ընկոյզ


5 ընկոյզի միջուկ մանրել եւ խառնել մէկ ապուրի դգալ մեղրի հետ, աւելցնել պտղունց մը փոշի կասիա եւ կոճապղպեղ: Ստացուած խառնուրդը մէկ օր սառնարանը պահել, ապա օրական մէկական ապուրի դգալ ուտել ճաշի ժամերէն առաջ:



-2-

Սոխի Հիւթ Եւ Մեղր

Մէկ բաժակ սոխի հիւթին աւելցնել մէկ բաժակ մեղր: Օրական մէկական թէյի դգալ խմել ճաշի ժամերէն կէս ժամ առաջ: Այս միջոցը թե՛ կը մաքրէ անօթները եւ թե՛ կը զօրացնէ մարմնին դիմադրականութիւնը:



-3-

Նուռի, Խնձորի, Ստեպղինի Հիւթ



Ամէն օր կէսօրուան ճաշէն եւ երեկոյեան ընթրիքէն կէս ժամ առաջ խմեցէք բաժակ մը նուռի կամ խնձորի եւ կամ ստեպղինի թարմ հիւթ:

www.kantsasar.com